



UNIVERSITÄTS-
BIBLIOTHEK
PADERBORN

Universitätsbibliothek Paderborn

Compendium Summae seu Manualis Doct. Navarri

Ávila, Esteban de
Azpilcueta, Martín de

Lvgdvni, 1609

Episcopus.

urn:nbn:de:hbz:466:1-41656

EMPTIO III.

Quoad locum, tempus & personas.

MORTALITER peccat qui emit, vel vendit frangendo festum. cap. 23. numer. 92.

Gubernator potest aliquos designare, vt soli vendant certi generis merces obligando eos ad id. Ibid.

Peccat mortaliter qui ad terras infidelium res vetitas, praesertim arma &c. exportat: & est excommunicatus per bullam coenae. num. 93.

EPICEIA, seu Epiceia quid sit videtur. Scrupulus. litt. F.

EPISCOPVS.

PROMOTVS in Episcopum tenetur intra tres menses consecrari, alias perdet fructus ipso iure; & intra alios tres, perdet Episcopatum. cap. 25. num. 118.

Episcopus potest celebrare ante lucem. num. 85. Tenetur iure diuino praedicare, & residere personaliter in sua diocesi. nu. 121.

A quacumque excommunicatione reseruata Papae potest absolueri Episcopus, quando

quando iusto impedimento nõ patet recursus ad Papam, vel ad eius Legatum, vel alium habentem priuilegium ad absolendum. Quòd si pateat aditus ad legatum, vel ad habentem priuilegium, non poterit tunc absolueri Episcopus, quamuis ille excommunicatus non possit adire Papam. cap. 27. num. 90.

C Quantum autem temporis debeat durare impedimentum vt dicatur iustum: respondeo, primò, non habendam rationē temporis requisiti ad accessum ad Pontificem: sed tēporis requisiti ad discessum à loco, in quo absolendus residet. Respondeo secundò, sufficere tantum temporis quantum necessarium est à discessu vsque ad accessum ad Pontificem. itaque si à discessu ad accessum requiritur spatium trium mensium, & habet impedimentum quo per tres menses non possit incipere iter ad Pontificem, dicitur iustum impedimentum. num. 90. in principio. Quòd si impedimentum fuerit falsum, absolutio erit nulla. Et si absolutus cessante impedimento non arripit iter ad Pontificem reincidit. num. 90.

D Iustum autem impedimentum est habere curam animarum, & timere eas passuras magnum detrimentum propter eius absentiam, nisi posset substitui vicarius idoneus.

Iustum

Iustum etiam est non posse adire Pontificem, nisi relinquendo uxorem, & filios in necessitate extrema, vel valde magna. Et licet quis pro absolutione mittere possit, sufficit tamen non posse adire Papam, ut dicatur habere iustum impedimentum, & possit absolui ab Episcopo. *ibid.* De aliis personis huiusmodi impeditis, quæ sint, & quomodo eas possit absoluerè Episcopus, vide Absolutio. IIII.

Sed huiusmodi impediti non possunt absolui à simplici Sacerdote, quamuis Episcopus vel Nuncius renuant absoluerè. *nu. 90.*

Episcopus non dat iurisdictionem confessorio suo, sicut dat Papa. *additum in Nou. cap. 27. num. 260. §. 5.*

Episcopus non recipit iurisdictionem aliam iure diuino quàm illam, quæ datur ei à Papa mediata vel immediata. *Additum ibidem. num. 263. in fin.*

Reliqua ad Episcopum pertinentia, vide in *tit. Dispensatio, Excommunicatio. Ordo, Residentia.*

Utrum verò possit absoluerè ab hæresi, vide *tit. Hæreticus.*

E V N V C H V S. vide Irregularitas.

E V C H A